

Von Feldtmessen.

So du ein solches oder dergleichen Feldt in deinem messen funden hast/so must du es also rechnen: Zu dem ersten schreib der Ruten lenge vnd breyte / vnd auch die schuch vnderchiedlich auff/ In nachfolgender gestalt.

Sechs Ruten 6 2 Zween Schuch.

Neun Ruten 9 4 Vier Schuch.

Nun manigfaltig zu dem ersten die sechs Ruten in der breite durch die neun ruten in der lenge / vnd sprich also / Sechs mal neun ruten/ist vier vnd fünffzig ruten. Zu dem andern/ multiplisicir oder manichfaltig auch die ruten der lenge vnd breyte/ Creuss weiß also: Zwen mal neun/ ist achzehen / das werden creuss viertheil. Nie merck wie oben gelert/ So du Creussruten durch creuss schuch manigfaltigest/ das es Creussfiertheil werden. Nach dem sprich: Vier mal sechs/ ist vier vnd zwenzig/ das sind auch so viel Creussfiertheil. Zu dem dritten/ manichfaltige oder mehre auch schuch durch schuch/ also sprich: Zwenmal vier ist achte / das sind vier Creuss schuch. So nun diese manigfaltigung ganz gerecht geschehen/ vnd wol gerecht ist/ als dann lege die vier vnd zwenzig Creussfiertheil zu den achzehen Creussfierteln/ so werden es zwen vnd vierzig Creussfiertel / die machen zwo Creussruten / vnd bleiben zehen Creussfiertel vberig / (Dan zwo vnd dreissig Creussruten ist ein viertel eins Morgens / wie oben gemelt. (Demnach addir oder lege zusammen die obgerechten Creussruten/ nemlich die vier vnd fünffzig/ die dir auß deinem ersten Multipliciren kommen seind/ die machen anderhalb viertheil eines Morgens/ vnd bleiben sechs ruten vberig. Zu denselben 6. ruten lege auch die zwo ruten die dir auß den zwen vnd vierzig Creussfierteln entsprungen sind / so werden es zusammen acht Creussruten. Zu denē schreib die zehen Creussfiertheil / die dir vberig blieben seind / darzu schreibe auch die vier Creuss schuch / so erlernest du darauf / das dein Feldt/ Acker/ &c. in jm helt anderhalb viertheil eins Morgens/ acht ruten/ zehen

zehen